



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

103. De eadem re.

urn:nbn:de:hbz:466:1-14622

DE ECCLES. DISCIPLINIS. 69

de quibus nominibus nefas est aliud quàm natura constituit suspicari.

Ne ancillæ vel libertæ cellarium teneant Clericorum vel ministerium secretum impendant. *Ex Concilio Agathensi.*

CI. Ancillas vel libertas à cellario vel à secreto ministerio & ab eadem mansione in qua Clericus manet placuit removeri.

Conc. Agath.
c. 11.
Burchard. lib.
2. c. 113.

De familiaritate extranearum mulierum.
Ex Concilio Aureliano.

CII. Ideoque statuimus ut ne quis antistitum aut Clericorum licentiam habeat intradomum suam ullam, absque propinquis mulieribus quas priores canones eloquuntur, habere personam. de quibus etiam id specialiter inhibetur, ut si quis Clericorum suspicionem adversam aut oblocutionem populi ob mulierem quamcunque incurrerit, eam statim, si intradomum suam habet, abiciat. Si certè extranea & sui juris est, istam omnibus conditionibus studeat abicere, ut infamia quæ excitata est abrogetur. Quòd si quilibet antistitum vel Clericorum quod supra scriptum est vitare noluerit, pro inobedientia triennij excommunicatione multetur. Quòd si adulterij permixtione fuerit adprobatus, in regradatione honorum, priorum canonum statuta serventur.

Concil. Aureliano. 3. c. 4.

De eadem re. *Ex Concilio Turonico.*

CIII. Et quia diabolo nullum locum dare oportet, hoc præcipuè custodiendum decrevimus, ut nulli Clerici cum extraneis feminis

Concil. Turon. 1. c. 1.
Burchard. lib.
2. c. 116.

habeant familiaritatem, nec ullum malè loquendi vel sentiendi hominibus aditum tribuant: quia frequenter per hanc indecentem occasionem contigit ut diabolus, qui insidiatur sicut leo in cubili suo, de ruinis servorum Dei insultet. Si quis verò Clericus post interdictum Episcopi sui illicitis familiaritatibus extranearum feminarum voluerit inhærere, à communione habeatur alienus.

De eadem re. *Ex Concilio Nannetensi, capitulo VI.*

Concil. Nannet. c. 3.
Lib. 7. Capitular. c. 291.
Burchard, lib. 2. c. 116.

CIV. Inhibendum & modis omnibus interminandum est ut nullus sacerdos eas personas feminarum, sicut & in canone insertum continetur, de quibus suspicio esse potest, in domo sua habeat. sed neque illas quas canones concedunt, (quia instigante diabolo etiam in illis scelus frequenter perpetratum reperitur, aut etiam in pedissequis illarum) scilicet matrem, amitam, sororem. Sed si quis de his habuerit talem necessitatem patientem cui sit necessitas sustentatio Presbyteri, habeat in vicco aut in villa domum longè à Presbyteri conversatione, & ibi eis subministret quæ necessaria sunt. Sed & hoc secundùm auctoritatem canonicam modis omnibus prohibendum, ut nulla femina ad altare præsumat accedere aut Presbytero ministrare aut infra cancellos stare aut sedere.

De visitandis à Presbytero infirmis.
Vnde suprâ.

Concil. Nannet. c. 4.

CV. Cùm sacerdos audierit aliquem in-